

212. Die Fürsten Otto, Bernhard und Rudolf von Anhalt bekennen, dass sie für 60 Mark Brandenburgisch 3 Mark aus ihren jährlichen Einkünften zu Ballenstedt und ebensoviel zu Baderborn dem Rathe beider Städte Quedlinburg wiederkäuflich verkauft haben, und stellen zur Schadloshaltung desselben aus ihrer Mannschaft namhaft gemachte Bürgen, die sich bei Nichterfüllung der von den Fürsten eingegangenen Verpflichtungen zum Einlager in Quedlinburg verbindlich machen. 1385. Apr. 14.

Von der gnade godes we Otto Bernt und Roleff fursten to Anhalt, greven to Asscharien und heren to Berneborch, und unse erven
 10 bekennen in dissem openen breve alle den de on sehn edder horen lesen, dat we hebben vorsat und vorkofft vor sestich mark Brandenborsches silvers, de uns reyde wol betalet sint, ses Brand. mark jarlikes tinses ut unser ghulde to Ballenstede und to Padeborne den vorsichtigen wisen luden radesmesteren ratmann und borgeren gemeyne
 15 beyder stede to Quedelingborch, und wisen se van stund an an de vorgenante gulde in disser wise, dat unse bur to Ballenstede alle gemeynliken van unser weghe to tinsse schullen gheven allejarlikes dre Brand. mark, des sulven ghelik unse bur tho Padeborne schullen van unser wegene alle jar gheven ok dre Brand. mark dissen vorge-
 20 nanten radesmesteren ratmann und borgeren ghemeyne disser vorge- nanten stad up sente Georigen dach in der stad to Quedelingborch; disse benannten ses Brand. mark schullen de burmestere und de bur to Ballenstede und to Padeborne loven und gheven dissen ernanten borgeren disser vorgenanten stad, also disse breff utwisset, dar en-
 25 schulle we noch nemant van unser wegene se nictes ane hinderen an argelist. Worde ok hir jenich broke ane, so scholde we dissen ernanten borgeren de¹ ses Brand. mark sulven reken und geven ut unser hant ane weddersprake. Ok so hebbe we uns an beydent siden bededinget, dat we de ses Brandenb. mark wedder moghen afkopen efte losen
 30 welkes jares we willen mit sestich Brand. marken, dest we one dat to vorn witlik don eyn verndel jares vor der tinsztijd. Also silves moghen disse ernanten radesmeistere ratmann und borgere ghemeyne tho Quedelingborch ore ghelt, sestich Brand. mark, ok wedder eschen welkes jares se willen: so scholde we one ore gheld, sestich Brand. mark und
 35 de ses mark tinses, ful und al betalen an allerleyge hinder und weddersprake in der stad to Quedelingborch. Dat schal men halden an beydent syden, se mit der eischinge und we mit der batalinge, also vore bescreven steyt; und tho merer wissenheyt so hebbe we dissen ernanten borgeren disser vorgenanten stad unse man de hir na bescre-
 40 ven stan to borgen gesat, de mit uns und vor uns alle disse vore und na bescreven stücke loven halden und leisten schullen. Were dat der jenich afeghinge er der tijd dat disse breff worde geloset und gequited, also hir vor bescreven steyt, des god nicht enwille, so scholde we und de borgen dede noch levendich weren eynen anderen

1) des Cod.